

Dunghlanz Yen Gaenxmaenx Dajcaux Baiz-senhconz Cuengh Gun Song Cungj Saw

东兰县积极打造壮汉双语文字宣传牌

Dunghlanz Yen Minzyijgiz caeuq aen yienh neix Vujcon Cin Dangiveij、Cwngfuj, lienzhab dajcaux Vujcon Cin baenz aen cin okmingz vwnzva gwzming lijyouz venj baizsenhconz miz Cuengh Gun song cungj saw, dajsuenq yungh 1 daengz 2 bi seizgan, haeuj gih raeuz ndaw lijyouz yanghcin sawqdiemj hangzlied venj baizsenhconz miz Cuengh Gun song cungj saw, yungh 3 daengz 5 bi baenz yienghndei daengx gih lijyouz yanghcin venj baizsenhconz miz Cuengh Gun song cungj saw, miz mingzdaeuz ndei caeuq yingjyangliz haemq sang.

Dajcaux Vujcon Cin baenz aen cin

okmingz vwnzva gwzming lijyouz venj baizsenhconz miz Cuengh Gun song cungj saw, dwg hangh yinvu dwgrenz youh seiznanz he, vih baujcaug dajsuenq laebdaeb mizyauq hengzguh, Dunghlanz Yen ciuq gipmenh nanzngaih aeu hong faen baenz dungyenz anbaiz、haeujaeg doicaenh、gyamaenh daezsang sam duenh guh. Daengz seizneix, aen yienh neix gaeng guhsat geizgonq hong diucaz modaej, cauxlaeb le siujcuq guh hong fanhoiz song saw vah, laebdaeb laeb le cwngfuj rogranx cawjdae senhconz daihgingz gvangigau 8 mbaw, henzroen fuk iq baizsenhconz guh hong 22 mbaw. (Veiz Vanjsw/韦婉姿)



▲Baizsenhconz yungh Cuengh Gun song cungj saw sij.



▲Hagseng biujyienj 《Gienz Byaraiz》.



▲Daihgya itheij daeuj diuq fouxsaux.

Ningzmingz Yen Cwngzcungh Cin Cungsimsiujyoz Banh Ciet Vwnzva Yisuz

宁明县城中心镇中心小学举办文化艺术节

2015 nienz 12 nyied 31 hauh, Ningzmingz Yen Cwngzcungh Cin Cungsimsiujyoz banh gaiq daih' it ciet vwnzva yisuz nem "angqyangz gyauyuz" cwngzgoj baijyienj hozdung, angqhoh yenzdan caeuq bi moq daeuj daengz.

Hozdung faen baenz "vwnzyi biujyienj", "minzcuz conzdungj dijyuz hozdung comzyienj" song hangh. Youq seiz vwnzyi biujyienj, aen hagdangz neix lauxsae hagseng itheij biujyienj le 《Gyonglaz Byaraiz》《Gukbaengz Daxdaiq》daengj gofoux, caeuq heiq cingzgingj simleix daengj, cungfaen baijyienj le aen hagdangz neix haeujlaeg hengzguh suciz gyauyuz、"angqyangz gyauyuz"、coicaenh hagseng cienzmienh hwnghat yisuz cwngzgoj. Cezmuz ndeiawj ndaej daengz bouxyawj bekwngz haenh ndei. Youq seiz comzyienj minzcuz conzdungj dijyuz hozdung, gyoengq hagseng daengxcungq biujyienj le 《Gienz Byaraiz》caeuq 《Hagdangz Lahlahcauh》, caemhcaiq caeuq gyoengq lauxsae itheij diuq fouxsaux angqyangz mizyinx haenx. (Luz Dejsanh/陆铁山)

Lwgnyez Fangzcwngzgangj:

Siengjmuengh Mbinyeg Angqyangz Majhung

防城港：童梦飞扬 快乐成长

2015 nienz 12 nyied 31 hauh banhaet, lajmbanj saunenzgungh dungxaiz comzyienj caeuq yisuz haeuj gihcwngz haeuj hagdangz yaugojcanj hozdung youz Fangzcwngzgangj Si Mehmbwk Lwgnyez Hozdung Cungsimslienzhab Fangzcwngzgi Vazsiz CungsimsHagdangz doengzcae cawjbanh, youq Fangzcwngzgi Vazsiz CungsimsHagdangz banh.

Hozdung youz habciengq 《Deihfueng Siengjmuengh Hainduj》hainduj, doenggvaq hagseng caeuq cawjranx doengzdaiz biujyienj

《Daihdamj Roemx Bae Baihnaj》、lauxsae hagseng yienj siujbinj《Dwkbyoengq Rekmeng Cam Daengz Daej》aeu gij gohbuq cihsiz youq saunenzgungh hag ndaej haenx baijyienj hawj daengx hagdangz lauxsae hagseng yawj, diuqfoux 《Fwenmyauz》、doeg ginghdenj、vaiqbanj biujyienj daengj cezmuuz cug' aen hwnjdaiz biujyienj, baijyienj le yisuz gyauyuz youq lajmbanj hagdangz gyauyuz cwngzgoj, cezmuuz ndei yawj ndaej daengz daengx hagdangz lauxsae hagseng bekwngz.

(Vangz Veigenh/黄慧娟)



▲Lauxsae hagseng itheij yienj siujbinj.



▲Aen cezmuuz neix caen ndeiawj.

Lozcwngz:

Cujciz Ngonzyawj Minzsuz Gvaq Baez Yenzdan Mbouj Doxdoengz He

罗城：组织观赏民俗 度过别样元旦



▲Hagseng ngonzyawj vwnzvuz.

2015 nienz 12 nyied 31 hauh, Lozcwngz Daihngaih Siujyoz cujci hagdangz 300 lai boux hagseng bae Yen Mulaujcu Bozvuzgvanj ngonzyawj, daejniemh Mulaujcu lizsij vwnzva、minzsuz fungcingz, coicaenh hagseng roxyiuj ranzmbanj minzcuz vwnzva, caenh'itbouh gikfat daihgya gij yiedcingz gyaenz minzcuz, yungh cungj fuengsik mbouj doxdoengz caemhcaiq miz yiyei neix angqhoh bi moq yenzdan.

Ciuq cam rox, Mulaujcu Bozvuzgvanj dwg seizneix Guengsae aen minzsuzgvangj miz vwnzvuz haemq lai ndeu.

(Liu Gvanghfuz/廖光福)